

皇

明

詔

令

皇明詔令卷之六

成祖文皇帝下

阿魯合納款詔

永樂六年六月二十

十八日

奉

天承運

皇帝詔曰朕祇奉

天命撫馭華夷惟欲乂安咸得其所瓦剌黠虜僻處
窮荒與其醜類歲相讐殺敗亡喪沒存者無
幾朕即位之初撫綏存恤授以封爵數年以

來憑仗朝廷始得休息為合為群即復驕恣
辜恩負德背違信義擅自殺主執殺使臣侵
擾邊境大豕豺狼貪欲無厭覬覦圖大朕不
得已躬率六軍以討之師至撒里怯兒之地
賊兵來迎戰一鼓而敗之追至土刺河賊首
答里巴馬哈木太平把禿孛羅不度智能掃
境而來兵刃纒交如摧枯振朽追奔逐北獸
獮禽戮殺其名王以下數千人斬馘無算餘
悉宵遁遂班師而還至飲馬河和寧王阿魯
台遣其酋長率衆詣軍門來朝推誠待納以

安反側招徠撫輯令回部落於戲奉行天威
掃羶羶於絕域綏寧附順覃恩惠於遠人俾
中國靡轉輸之勞庶邊場無烽燧之警故茲
詔示咸使聞知

諭入覲文武官僚勅

永樂十三年正月初四日

皇帝勅諭天下文武官員朕惟治天下之道君總柄
於上臣分職於下故事理而民安政平而訟
簡朕自即位以來夙夜圖治嘉與四方同濟
昇平乃擢任賢能于庶位自都司布政司按
察司衛所府州縣及各衙門官吏俱能盡心

修職守法奉公以佐治理俾兆庶咸遂其生
天下未有不太平者也今爾等來朝朕特命
爾為官者以忠勤廉謹為本以公正仁恕為
先忠則不欺勤則不怠廉則不貪謹則不肆
公則不私正則不偏仁則不暴恕則不害能
如此則上不負於朝廷下不負於生民在國
為忠臣在家為孝子美名顯揚千古不滅苟
為臣忘忠勤之道昧廉謹之守背公正之義
失仁恕之心管軍者害軍管民者害民剥其
體膚吮其膏血使下情無所控訴上負朝廷

下負生民明有人非幽有鬼責身遭戮辱豈
能長守富貴乎母謂小民可欺也小民至愚
而神無謂幽暗可罔也而幽暗之中鬼神實
臨之母謂朝廷可欺也而

上天實鑒之今欲悔非於既往莫若慎禍於將來惟
當革爾心改爾度撫軍者愛軍精加操練嚴
整部伍謹固邊疆慎守城堡務俾軍伍足備
毋致空缺撫民者愛民恤其饑寒念其勞苦
平其差役時其賦稅毋橫征暴斂侵漁剝削
以害之使老少各安生業興學校之教以樂

育人才敦禮讓之風成仁厚之化使朕無宵
旰之憂如此

上天亦必鑒之非惟爾身享有富貴而父母妻子皆
有榮耀苟不遵朕言不能律已守命不忠不
勤不廉不謹不公不正不仁不恕以虐吾軍
民者罪必不赦欽哉

戒貪員并恩貸初

宋樂十三年正月十

九日

皇帝勅諭內外諸司官員朕祇奉

天命統承

皇考太祖高皇帝鴻基即位以來宵衣旰食兢兢業業簡賢用能惟以安養軍民爲心爾文武羣臣受朕委任庶謹幹濟盡誠竭慮愛恤軍民者有之而聞葺無爲貪污壞法酷害軍民者有之是致軍民受其毒害困迫不勝蓋由朕之不明任用非人以致此也且如灤州不才官吏指以官辦爲由巧立各色以一科百以十科萬所得贓物各分入己民人受害怨歸朝廷

天地鬼神不容致使敗露已該凌遲處死家產籍沒

父母妻孥給贖今後諸司官吏敢有仍前貪
職壞法虐害軍民必殺無赦其軍民今後有
合辦差撥稅糧等項各要依期辦納敢有頑
愾過期不行辦納者事發亦皆處以重罪合
特勅諭爾等所有合行事宜條示于後故勅

一自永樂十一年十二月十九日以前逾年拖
欠虧兌未完稅糧農桑及諸色課程鹽課草
束等項盡行蠲免

一自永樂十二年十二月三十日以前屢年虧
欠倒死等項馬駝驢騾牛羊等畜及拖欠蘆

柴未納各項贓罰并追未完段疋及虧折等項追賠未完一應錢糧等件盡行蠲免

一天下課程自永樂十三年正月終爲始俱照永樂六年以前收辦

一各項造作除軍需等項急用外其餘不急之務暫且停止

一民間一應有事故人戶拋荒田地有司從實取勘開報以憑覆實除豁另行召人承佃中間如有官田照民田例起科

一軍官并旗軍將軍力士校尉舍人餘丁爲事

凡笞杖徒流罪名自永樂十三年正月十八日以前發遣各處立功者盡行宥免復還職役隨營

一軍官為事犯該笞杖徒流罪名自永樂十三年正月十八日以前發遣各處立功并追軍養馬種田等項者盡行蠲免

一文武官員并總小旗為事已復職役住支俸銀并支半俸者俱照數關支

一逃軍逃囚許令赴官自首與免本罪軍還原伍囚還配所

一凡有軍民利病及貪官污吏作弊害民者許諸人具實奏聞

一軍民之中有懷才抱德堪為任用者或屈在下僚隱於山林者許諸人薦舉官司以禮遣送赴京量材擢用

諭三法司勅 永樂十四年四月初二日

皇帝勅諭三法司曩者奸亞齊黃等煽惡逞兇謀危社稷賴

天地宗廟之靈已皆伏誅艾蕪去穢必絕其根掃滌不盡又將滋蔓蓋鋤莠所以養其嘉禾除惡

所以保其良善惡類既剪良善獲安自今年
三月二十六日以前凡奸惡遠親已拏在官
者不宥外未拏者悉宥之有來告者勿理如
勅奉行

老人星見却賀勅 永樂十四年九月初一日
皇帝勅諭文武羣臣欽天監奏老人星見於丙位其色黃
赤而大光明潤澤應人主壽昌天下治平朕仰荷
太祖高皇帝膺受

天命掃除群雄平禍定亂創業垂統立綱陳紀制禮作樂
安天下生民於衽席之上積德累仁茂延喜慶致此

太平是以

上天垂象屢顯鴻應兆天下臣民同躋仁壽之域揆朕才德涼薄曷克臻茲朕惟

天下垂嘉嘉徵能戒則有慶否則雖休不休凡為臣民誠能謹飭遵守

太祖高皇帝成憲為子者盡孝為臣者盡忠奉公守法安分守己則永膺福佑共享太平若不能遵守法度恣肆非為不忠不孝則天災神禍立至爾文武臣僚各盡乃心以輔朕之不逮國家有萬年之安爾等子子孫孫亦同享萬年之福今壽星之應其勿

賀故諭

壽星再見却賀勅 永樂十五年八月十七日

皇帝勅諭文武羣臣卿等以壽星見於南郊禮朕德所敷
上表朕揆才德涼薄負賀不堪何足以當之然朕
之所願者時和歲豐俾天下老少俱得其所賢人
在位讒慝不作百工舉任其事無有廢弛使政平
訟理國家清明者此爲上瑞也夫天命靡常惟親
有德否則不足以膺天眷今壽星見其分賀卿但
勉修厥職一德一心以輔朕不逮庶幾上答

天休以享福祿尚慎之哉故諭

瑞應論 皇太子書 永樂十五年十一月十一日

皇帝書諭長子皇太子於此月初二日起奉天殿乾清宮
至初八日辰時二處俱現五色瑞光燭曜移時輝
騰接于官 群目皆覩衆情歡耀初九日金水河
冰凝結衆形神巧時異初十日奉天殿乾清宮復
現瑞此金水河水復凝瑞奇巧愈勝廷臣稱賀謂
上天眷顧朕德所致朕思仰承

皇考太祖高皇帝洪基揆德涼薄恒恐負荷不堪不敢當
天休茲至惟懷數重堯增祗禍以谷 天眷以昭

皇考鴻烈爾國之德副替兼治理宜夙夜懋勤飭勵厥德

以祈

天永命古人有言天難諶命靡常常厥德保厥位爾自今
凡處央庶務母間小大必加謹慎思

天之所以眷顧興隆國家者如是其至不可容絲毫怠忽
也故論

瑞應論廷臣勅 永樂十五年十一月十一日

皇帝聖諭比者卿雲瑞永諸祥屢現卿等謂

天養朕德所致上表稱賀朕厥德涼薄仰承

皇考太祖高皇帝鴻基夙夜兢業惟恐負荷弗堪祇畏天
命不敢暇豫雖祥瑞之來愈加警惕倘或自是非

承天子民之遺卿文武羣臣輔朕為治宜精自為
心揚勵為職恪守

太祖高皇帝成憲惟時惟我副朕任委庶幾共理天工以承
天休書曰后克艱厥后臣克艱厥臣致乃卿等其尚朕或
訓朕之不逮哉

諭天下文武官員初 永樂十六年五月初四日
朕承

天運經

太祖高皇帝鴻基即位以來十有六年夙夜孜孜以
圖至治任賢使能擢用衆職蓋欲安養軍民

使皆享福今事未盡理軍民未盡安其故何也蓋由不能盡心奉公供職守法以至此耳今某來朝朕命諭爾等夫守法奉公庶謹正直者為忠臣貪酷暴虐怠肆欺罔者為邪吏忠臣愛國故能盡心以報朝廷撫養軍民使得其所不肆侵毀不加凌害故政得其理事得其宜若是者

天地鬼神相祐之使之身安道泰去禍遠罪其邪吏蠹國不能盡心以報朝廷不能愛恤軍民肆其豺鼠之貪虎狼之暴股民脂膏剥其骨髓

毫拔而絲取之惟知私已不務公家以故軍民不得其安政事不得其理如此者

天地鬼神有所不容天災人禍有必至者雖僥倖一時未發終必難逃於刑戮雖曰一時所為可以謾人人雖不見鬼神見之人雖不知鬼神知之背理傷道之事豈可為哉今官爵難得保守為宜若能改過自新轉貪以為廉革暴以為寬勵怠以為勤去私以持公盡忠報國以撫養

軍民使其不苦於差徭不困於賦稅無
侵漁之害靡饑寒之慮軍民老少皆得
安生樂業鬼神視之亦變災爲福不至
於喪身亡家矣且如朝廷愛養軍民寬
其一分使受一分之惠其姦貪之徒因
而夤緣作弊以害之使不得受惠且如
朝廷官用一物給價收買平估時值不
使害民其姦貪之徒百方作弊官得其
一而私得數十百倍矣軍民受其苦楚
何可當也如朝廷立學校育養人材化

成風俗今皆置而不問不知督勸縱容
廢弛以致人材無效故施之於用往往
貪鄙者多公廉者少且如設立軍衛城
池將禦盜賊軍旅不練城堡不修隊伍
空缺關防不謹將何防禦凡有此等不
行用心如前放肆不守法度者事發必
處以重刑古語云爾俸爾祿民膏民脂
下民易虐

上天難欺爾等其慎思之夙夜懋勤乃職恪共
乃事以分朕宵旰之憂苟不警省禍即

至矣於戲

天鑒不遠爾其

欽哉

脩武備勅

永樂十七年十二月初

七日

皇帝勅諭五軍都督府北京留守後軍都督府及兵部自有天下者莫不以武備為先武備脩則國家強盛天下太平武備不脩則國家微弱雖欲天下無事不可得矣昔有宋之時太祖太宗膺受天命將勇兵精除削暴亂以安生

民四海晏然久而無虞及其子孫不德武備
不修群奸肆侮醜虜僭竊海內分裂遂至宗
社丘墟元有天下世祖飭備武備兵甲強盛
天下寧謐厥後子孫荒淫怠惰王綱解紐武
備不脩政事廢弛天怒人怨而群雄兵起故
海內分裂竟至覆身滅嗣是以

天命我

皇考太祖高皇帝削除禍亂平定天下于時兵甲精
壯將帥効忠抑強扶弱奸宄肅清制作禮樂
立綱陳紀遂開天下萬年太平之基而民陰

受其錫愈久而不忘不意

太祖賓天齊黃用事恣肆奸宄操弄權柄謀戮

宗親以危

宗社故將武備廢弛拆裂網維朕以禍機之及日就

老迫念

祖宗基業之重不得已舉兵自救禦難賴

天地之佑

宗社之靈以一隅之兵當天下之衆無堅不摧無銳

不破遂除大憝以安

宗社爰自即位以來累勅爾等脩治武備整肅隊伍

鋒利器械嚴加操練以爲長治久安之計爾
等畧不究心惟務貪圖賄賂苟且偷安是以
致軍政廢弛隊伍空缺而不恤士卒逃亡而
不問械噐損弊而不理互相蒙蔽欺誑百端
若此所爲豈無欲賣朝廷危社稷仍効莽黃
黨惡之所爲以蹈殘元之覆轍乎今明與爾
等言爾等若犯他罪朕則論勲論威猶或可
恕若果軍士逃亡各處軍伍空缺有三五年
不備者有數十年不備者徃徃以差遣勾補
爲名通同有司官吏以生作死以有作無虛

捏申文欺弊百端有勾一百名者止得三十名到衛亦有全無一名到衛者或有勾解到衛而受錢賣放者或有營求捏作差使等項縱放在外連年不着役者或有以民作軍而冒名頂替者或有以軍作民而捏作絕戶者甚至差去之人在外姦貪無厭取妻生子成家作業或五七年不回或十數年不回其當該衛所官吏明知其非公然受其買囑不行糾舉又將兵器私自盜賣與人者亦有調其出征輒將兵器拋棄迹其所爲萬死莫逃又

有軍士本不在逃被該管頭目百端苦楚捏
害控訴無階不得已暫行躲避其該管頭目
懷私挾恨即申在逃因此懼怕不敢出官其
間有出官者又加逼迫虐害使其不能自容
如此不仁與禽獸何異但是以前有逃避者
許其赴官首告與免本罪若是該管頭目仍
不用心撫恤故意虐害者治以重罪家遷化
外茲特以勅諭爾等即嚴謹隊伍鋒利器械
以候點閱如有逃亡及軍伍空缺者俱限未
樂十八年終勾補齊備若是仍前遷延不即

勿補完備者必殺不宥故論

壽星見却賀勅

永樂十八年八月

十三日

皇帝勅論文武群臣卿等以壽星出現於丙位應入
主壽昌天下治平諸上表稱賀朕惟上天垂
象以親有德朕揆德涼薄夙夜兢惕恐負荷
不堪今壽星現正當修德以答天休其勿賀
卿等但相與勉脩厥職以輔不逮庶稱朕奉
天勤民之意故諭

北京營建工成朝正朔詔

永樂十八年十一月

初四日

奉

天承運

皇帝詔曰開基創業興王之本爲先繼體守成經國
之宜尤重昔朕

皇考太祖高皇帝受

天明命君主華夷創立江右以肇邦基肆朕續承大
統恢弘鴻業惟懷永圖眷茲北京實爲都會
地勢雄壯山川鞏固四方萬國道里適均惟

天意之所屬寔卜筮之攸同倣古制循輿情立兩京

置

郊社

宗廟創建宮室上以紹

皇考太祖高皇帝之先志下以貽子孫萬世之弘規
且於定狩駐守實有使焉爰自管建以來天
下軍民樂於趨事

天以鴻禧景貺駢臻今工已告成選以求樂十九年
正月朔旦御奉

天殿朝百官誕新地理用致雍熙於戲天地清寧衍
宗社萬年之福華夷綏靖隆古今全盛之基故茲詔

示減使聞知

北京營建工成寬恤詔 永樂十九年正月十九日

奉

天承運

皇帝詔曰朕荷

天地

祖宗眷祐繼承大統撫馭萬方夙夜祗勤率遵

成憲乃者紹

皇考太祖高皇帝之志儆成周卜洛之規建立兩京
為子孫帝王萬世之基爰自經營以來賴天

下臣民殫竭心力涉寒暑冒風霜趨事赴工
服勞匪懈朕心眷念拳切不忘今官殿告成
朕已御正朝祇祀

天地

宗廟

社稷懋圖治理嘉與維新重懷寬恤之仁用廣好生
之德大赦天下自永樂十九年正月十五日
昧爽以前除謀反大逆子孫謀殺祖父母父
母妻妾殺夫奴婢殺生謀故殺人盛毒魘魅
毒藥殺父強盜不赦外其餘已發覺未發覺

已結正未結正罪無大小咸赦除之敢有以
赦前事相告言者以其罪之所有事宜條
列于後

文武官員吏軍民人等有爲事做工運磚拖
石等項者悉宥其罪官吏復還職役軍還原
伍匠仍當匠民放寧家

軍官并旗軍將軍力士校尉舍人餘丁爲事
犯罪未經決斷發遣各處立功并哨瞭等項
者盡行宥免復還職役仍前立功已發克軍
者不在此例

文武官吏并總小旗有爲事已復職役住支俸糧并半俸者俱照例開支

一適年虧欠倒死等項馬駝騾牛羊等畜及拖欠蘆柴未納各項贓罰并虧欠等項追賠未完類料一應等件盡行蠲免其追賠一應物件止追該納正數倍追者蠲免

一軍民該納柴炭自永樂十六年以前拖欠未納者悉皆蠲免

一適年拖欠虧欠未免稅糧農桑及各色課程草束等項經該官吏人等赦宥其罪仍令照

數納足

一逃軍逃囚許令赴官首告與免其罪軍還原伍匠仍當匠

一失班罰工人一匠及鎖鑊終身做工者盡行釋放依舊輪班

一各處逃移人尸悉宥其罪許令赴所在官司首發回原籍復業戶下虧欠稅糧盡行蠲免

一各處監收及起取到尼姑道姑悉宥其罪各放寧家還俗

一凡有軍民人利病及貪官污吏作弊害民仍

前不改者許諸人具實奏聞以除民患

各處違作除軍需等項急用外其餘不急之
務暫且停止

今後諸司所行事務悉遵舊制不許更改變
亂成法者治以重罪

民間有懷才抱德堪為任用許諸人奏保量
才擢用不許徇私濫舉

一鰥寡孤獨及篤廢殘疾者有司依例存恤毋
令失所其民年八十以上有司給與絹二疋
酒一斗肉十斤時加存問

於戲華夷一統，曷敷曠蕩之仁海。宇清寧，永樂太平之治。故茲以詔示咸使聞知。

奉天殿巡八諭廷臣勅

永樂十九年四月

日八十二日

皇帝勅諭文武群臣：朕躬膺

天命，祇紹鴻圖。爰仿古制，肇建兩京。爲子孫萬世帝王之基實所由以紹

皇考太祖高皇帝之初志，而福天下蒼生於無窮也。及永樂十九年四月初八日

奉天殿災，朕心惶懼，莫知所指。意者於敬

天事神之禮有所怠歟或不遵法而政務有所乖歟
或小人在位賢人隱道而善惡不分歟或刑
獄寃濫害及無辜而曲直不辨歟或讒慝交
作諂諛並進而忠言不入歟或橫征暴斂剝
削倍尅而殃及田里歟或賞罰不當蠹財妄
費而國用無度歟或租稅太重徭役不均而
民生不遂歟或軍旅未息征調無方而餽餉
空乏歟或工作過度征需頻繁而民力凋敝
歟或奸臣附勢群吏弄法而有此歟抑有聞
葺貪賊壞法而致是歟皆蠹政害民有遠

天心朕知識冥昧莫究所由惟爾群臣受朕委任休
戚是同朕之所行果有不當宜逐一條陳無
隱俾朕有所警懼以回

上天之意故諭

殿災萬壽却賀勅

永樂十九年四月十二日

皇帝勅諭文武群臣比者

上天垂戒奉天等殿災朕心警懼不遑自安今禮部
以朕初度之辰奏請奉賀甚非所以謹

天戒而益重朕之不德焉其止勿賀故諭

殿災寬恤詔

永樂十九年四月十

三日

奉

天承運

皇帝詔曰朕恭膺

天命統馭華夷歲交祗承罔敢忽怠比者遵倣古制
肇建北京惟在安民永隆基業乃永樂十九
年四月初八日奉天發災朕為此懼莫究所
由此朕不德之所致歟抑任用匪人毒痛天
下而致歟今特詔告天下凡有殃於吾民不
急之務者悉皆停止用蘇因敝昭答

天心所有事宜條示于後

一各處永樂十七年以前拖欠稅糧程課鹽課馬草等項及永樂十八年被水災田地糧草悉皆蠲免

一各處納欠各項銅錢顏料蓆麻木植等物及倒死虧欠各項頭疋一應食糧鹽課等項并廣東追賠珍珠悉皆蠲免

一各處雜辦金銀課程除已煎銷在官外其餘暫行停止敢有不遵法度私自煎銷者治以重罪舊額歲辦銀課并差發金銀不在此例

一各處買辦一應物料除軍需急用其餘不急之務暫行停止敢有指以爲由仍復科歛害民者治罪不饒

一陝西四川僱運茶課暫且停止其有已起運者仍令運赴所在茶司交收

一各處抄造及買辦紙劄暫行停止

一但是買辦下番一應物件并鑄造銅錢買辦麝香生銅荒絲等物暫行停止

一往諸番國寶船及迤西迤北等處買馬等項暫且停止

被水旱饑食貧民有司取勘賑濟

逃移人麻招回復業優免雜差役一年仍將本戶下過年拖欠稅糧等項蠲免

法司所問囚人今後一依大明律擬罪不許深文妄引榜文條例

軍官有犯笞杖徒流遷徙雜犯死罪降職及發遣各處充軍并充軍立功哨瞭等項者俱復還職令回原衛

官吏人等但因營造買辦物料及失誤違限等項得罪者悉皆寬免官吏人等各還職役

營造軍夫及匠俱有傷故者有司好生撫恤其家免其雜泛差役

一諸司官吏及差使人員貪贓害法故將貪賍苦虐者許所在按察司及監察御史就便擒拏赴京連家小發邊遠充軍

一諸司吏卒弓兵皂隸牢子多有勾戀衙門連年不替專一浸潤官長起滅詞訟說事過錢虐害良善者所在按察司及巡按御史就行擒拏問罪連家小發邊遠充軍

一自今官吏敢有不遵

檄制指以催辦爲由輟自下鄉科歛害民者許里
其實赴京面奏處以重罪

一各處擺站囚人有年限滿者即令法司撥替
疎放寧家

一北京太僕寺并各衛見養孳生馬疋今後有
欠馬駒者照例追鈔

一修造往諸番船隻暫行停止毋得重勞軍民
一今後五府六部等衙門差人出外幹辦公事
務要辯驗有精微印信勘合方許奉行若無
精微印信勘合即係詐僞所在官司就便擒

擊赴水

於戲表

天法祖敢忘修省之誠布德覃恩用舉寬仁之政故
茲詔示咸使聞知

禁謗訕勅 永崇十九年四月二十四日

比者

上天垂戒

奉矢等殿災朕心警懼特降勅求言無非欲聞
朕過及知軍民疾苦擇其便利者行之庶幾

有所警省以回

天心柰何言者其中多涉譏侮謗訕及告訴之詞而
朝廷政務及軍民休戚畧不相干深有乖於
國體亦非所以致謹

天戒之意茲復以勅諭爾自今敢有仍蹈前非故將
譏侮謗訕及告訴之言上聞者治罪不饒

勅補兀良哈克捷詔 永樂二十年八月十

七日

奉

天承運

皇帝詔曰天地之大覆載而無外帝王之治一視以

同仁朕恭膺

天命主宰華夷夙夜勤勞勉圖治理無非使天下生靈咸得其所而已往者醜虜阿魯台窮居漠北鼠穴偷生屢爲瓦剌困迫妻子不保遂率其部落來歸朕念遑遑無依特加優恤授以封爵令其仍居本土安生樂業永享太平豈意此虜心懷謫詐僭妄驕矜違

天逆命負德辜恩殺戮信使侵患邊境恣肆慘酷毒害生靈朕以保愛天下軍民躬率六師征討之以七月四日師抵潤澤海之北其醜虜阿

魯台聞風震懾棄其車輛牛羊馬疋逃命
遁窮追累日獲其謀者云醜虜阿魯台自知
負德辜恩驚悸失錯致病疴羸爲

天地鬼神所殛餘孽潰散朕乃移兵勦捕其惡黨尤
良哈之寇東行至屈裂兒河遇寇迎敵朕親
率前鋒摧敗之直抵其巢穴殺賊首數十人
斬獲其餘黨無筭獲其部落人口焚其車輛
軍器盡收其馬疋牛羊綏撫降附振旅班師
於戲聲罪致討用伸九伐之威殄寇安民永樂萬
年之治詔告中外咸使聞知

論 皇太子及群臣却賀勅

永樂二十二年九月十一日

二日

皇帝勅諭長子皇太子高熾及文武群臣比以壽星
見文武百官上表稱賀朕以爲

上天垂象顯示嘉禎豈惟朕德所致實

皇考太祖高皇帝積德累仁神功陰陽普福生靈

天地神明鑒悅默佑顯相之所致也朕思

太祖高皇帝開創之難夙夜警惕勉圖治理惟求所

以昭答

天心以膺負荷之重尚惟

宗廟

社稷之托天下生民所係

天命可畏繼序匪輕若爲子者能盡爲子之職爲臣者能盡爲臣之道親賢遠佞旌別淑慝無以利口亂政事無以巧詐飾虛文務勤治理罔敢荒逸雖無祥瑞而

上天昭鑒

祖宗慰悅錫裕垂慶自足以致國祚之悠久苟爲子者不能盡子之職爲臣者不能盡臣之道畜奸邪之心懷恨忿之志以利口而亂政事以

巧詐而飾虛文是非莫別賢否莫知怠政廢
事蠹國殃民雖有龍馬神龜鳳凰騶虞白象
醴泉甘露景星慶雲嘉禾芝草連岐白雉之
異亦何足爲瑞往者祥光屢現而言者皆以
爲虛誑茲復以壽星現上表稱賀實曩者之
言相違豈其誠心實意哉不過虛應故事飾
虛文耳所進之表朕不敢當特用繳還及以
勅諭爾等尚宜洗心滌慮盡忠盡孝篤爲誠
敬懋修厥職以慰

天心以副朕望俾時和歲豐家給人足子孝臣忠四

海內外咸樂太和此即國家上瑞也爾等其敬慎之母怠故諭

封虜酋也先土干爲忠勇王詔

永樂二十一年十月十三日

奉

天承運

皇帝詔曰朕惟天地覆載以生育爲德帝王統馭以養安爲心順者撫之逆者摧之所以示無外而一天下也且夷狄爲患其來久矣書云蠻夷猾夏詩稱戎狄是膺歷漢及唐屢被侵侮至於有宋其禍尤甚是以腥穢上聞

天生我

太祖高皇帝受

天明命主宰生靈削平禍亂掃蕩羗羶以安天下萬
萬年太平之盛治

聖德神功自開闢以來未之有也肆朕恭膺

天命紹承大統夙夜圖治惟在安民蕞爾醜虜尚敢
偷生草野遺禍邊疆已嘗率六師徃平之茲

除惡類撫輯善良令其仍居本土以遂其生

不意逆天背德叛服無常復來犯我邊鄙乃

以今秋七月二十四日朕躬御戎服親率將

士出塞以討之及命寧陽侯陳懋爲前鋒以
攻其西朕兵抵陰山之脊適虜中僞知院阿
失帖木兒率妻子來降備言虜寇爲瓦剌順
寧王脫歡等勦戮餘孽奔潰逃命無所未幾
前鋒寧陽侯陳懋又得其名王也先土干率
部落其家屬馬駝牛羊以數萬計遠來降附
然也先土干驃悍勇猛乃胡虜中之最狡黠
者虜兵畏服今既稽首軍門敷陳誠悃以爲
天命在朕不敢違越敬率部落上順

天道親來朝見眷茲忠誠宜加撫勞特封爲忠勇王

以旌其來歸之心是用班師回京

於戲安夏攘夷用致雍熙之治綏降撫順廣推一
視之仁詔告中外咸使聞知

北征班師詔 永樂二十二年七月十五日

奉

天承運

皇帝詔曰朕恭膺

天命統承

皇考太祖高皇帝鴻業夙夜究治惟懷永圖比以妖

虜殘孽辜恩負德梗化弗庭乃以今夏四月

四日躬帥六師往討之師駐應昌前鋒獲虜
聲息詢究孽虜去秋探知大軍出塞即挾妻
孥遠竄山谷圖保殘喘至冬又爲

曷地鬼神所譴雨雪連綿積深尋丈其牛羊駝馬亡
斃殆盡種落叛散互相劫奪及今又聞大軍
之出日夜奔遁深入漢北窮蹙困迫莫克自
支朕以爲此寇譎詐未可深信徑進兵至答
蘭納木兒河窮搜極索直抵白邨山四望蕭
條曠無人跡遂移師東行踰屈裂兒河復涉
灣溫河擣賊孽黨閱其巢穴悉已傾蕩耕牧

地盡爲荒墟是用六師還京

於戲征伐國之重事昔高宗之伐虢方周宣之逐
玁狁豈其得已哉然皆爲保庇生靈規國遠
圖是以徂征之師不容不舉今妖氛汛掃沙
漠肅清豈惟朕之威力所及實賴

宗社之靈

天心養祐永貽四海蒼生無窮之福茲詔諭咸使
聞知

皇太子宣

太行皇帝遺命令諭

永樂二十二年
八月初十日

皇太子令諭天下文武官員羣臣等仰惟

大行皇帝為天下生靈討滅胡虜班師回至榆木川
不幸於七月十八日寢

天遺命中外臣民喪服禮儀一遵

太祖高皇帝遺制布告天下咸使聞知

